



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De appetitu victualium. Cap. XVIII.

[urn:nbn:de:hbz:466:1-53148](#)

Sed nunc delapsa est ad cupiditatem temporalium rerum, pecuniae, possessionum, & quarumlibet rerum etiam vilium, quæ colligit quasi homo semper debeat viuere; & mundus perire: ut congregetur quantum valet, ne percurrente mundo non inueniat unde viuat. sicut Noe Gen. 6, 13. imminente diluvio comparauit esseas, quas haberet, quando omnia diluvio periissent. Et quanto magis homo morti appropinquat, tanto studiosius congregat & custodit: ut ex hoc ostendatur quam sit irrationabilis avaritia, eo magis colligere quo minus indiger. sicut qui Similiter multum viatici fert pro breui via, & qui sumptuosam domum construit pro unius noctis hospitio. Ideo autem Deus voluit nos semper incertos esse de hora mortis, ut parum de temporalibus cogitemus: sed omni hora timemus multa perdere de æternis, ad quæ semper sine intermissione properare debemus.

De appetitu victualium.

CAP. XVIII.

APPE T I T U S victualium datus est nobis pro corpore, ut sustentemus naturam, & possimus durare in seruitio Dei. & multum mereri. Etenim moderatus & parcus victus uniformis, diutius conservat naturam, dum non opprimit vires eius, sed reficit & sanitatem conservat uniformis dieta: quia natura contemperat se ei & non turbatur semper ex nouis & ignotis esseis. Unde quidam claustrales diutissime viuunt sani. Sed appetitus ille naturalis modo effusus est in voluptates & insuperfluitates, ut non simus contenti unde sustentetur natura, sed unde palatum oblectetur. & cum talibus assueti fuerimus, & natura se eis contempnererit, cum aliquando tenuioris victus

victu deberemus esse contenti, natura remur-
murat propter dissuetudinem. Vnde statim
putamus nos adeo debiles & infirmos, quod
victu paupere non possumus viuere, & quasi
sub discretionis velamine delicate importune
& inuerecundè incipimus querere: nolentes
experiri quod natura sicut per consuetudinem
ad delicate dilapsa est, ita per contrariam affue-
factionem possit reduci ad competens mo-
deramen yictus parcioris. sicut videmus in ma-
xima parte mundi quam parcè viuunt Gentili-
les, Iudæi, pauperes Christiani, quorum qui-
dam depauperati modo tam sani sunt, sicut
olim in deliciis fuerat. De spiritualibus autem
deliciis & gustu internæ dulcedinis, quæ sine
comparatione omnes mundi delicias superant,
sicut mel simum, vix est iam mentio vel effi-
cax desiderium aut studium, etiam inter illos
qui sibi alti videntur in religione: immo despici-
tur & deridetur inebratio talis desiderij seu
dulcedinis, & quasi stultitia & abominatione
iam habetur, & ab aliis religiosis persecutio-
nem ob hoc patiuntur, & dæmoniaci reputan-
tur & hæretici dicuntur, quamvis spirituales
ipsi sint. Quam verò despicabiles Christo sint,
qui deuotionis gratiam sic despiciunt & per-
1 Cor. 2, 14 sequuntur, ab Apostolo discant qui animales
eos appellat, qui non intelligunt ea quæ sunt
Spiritus Dei, quia & stultitia est illis. Non tan-
mē laudo vel approbo deceptores & deceptos,
qui spiritum suū vel alienum pro Spiritu Dei
sequuntur & seducuntur: sed probandi sunt
Spiritus, & sic indicandi.

De